

愛吾廬詩鈔

一
函
四
冊
函

愛吾廬詩鈔六編

歸田集

江陰張洵佳少泉著

贈虞陽繆少初司馬四律

千峯滴翠付前塵又向名山作主人

用繆率伊陽署聯句

滄海飛回千里棹樓臺高佔

一家春神仙吏隱開生面詩卷蘇黃有替身怪道文園歸計早要從巖壑展經綸

斜穿石徑度迴廊高踞巖腰俯下方十里晴湖明似鏡萬家炊火夜生涼攜來梅鶴皆仙侶買得蘓鱸近水鄉最是清芬傳勿替崇祠太僕屹中央一條深巷李師師記否吟朋浪迹時燈火樊樓同貰酒雪花梁苑共吟詩而今杜牧懷春夢祇有何戡是故知難得虞陽三度至與君互指鬢邊絲小築菟裘選佛場本來居士號清涼無邊風月空千里大好溪山踞一方紅藕花旁新汲水白衣庵畔短圍牆平生傾倒隨園叟讓與先生嗣瓣香

感事

狐鳴篝火乍聞驚頃刻燎原勢已成世事真同騎瞎馬人心還冀掣長鯨郭京披髮持妖咒長狄埋頭激寇兵大難開端關氣數豈徒倉猝喪生平

輦轂如何作戰場開門揖盜盜披猖絕無平勃能安漢幾見番回肯助唐九廟觚棱飛箭鏃五陵裘馬變戎裝

詔書溫厚留餘地珍重天心自主張

近奉詔書多前後不符語

大敵如何與抗衡怕將棋局算輸贏黃巾內線通常侍黑水重洋召外兵重典難施諸葛亮殺機恐肇爾朱榮杞人不寐憂無似起看中台帝座明

公子州吁好用兵將軍跋扈更知名梟盧妄喝成孤注黑白紛爭混一枰診氣星辰垂異象

癸惑入文昌去秋見粵報

禍根骨肉蔽私情人謀不善天心見橫使鯨波

夜夜鳴

竟抵阿房一炬燒重樓金碧焰尤高池魚水沸成焦爛旅鳥巢空喪羽毛肇

釁番酋爭冒險臨邊漢將竟潛逃不分兵賊分夷夏似此紛紜奈若曹
和戰難憑守又孤通籌大局太模糊直矜意氣爲忠憤遂挾絲綸作護符寶
玦王孫矜武衛綠林豪傑萃姦徒誰將阨運回炎漢第一先誅莽大夫

不寐懷徐拙菴侍御

年來仕路等巖牆况復干戈起帝鄉我慮鷗鴟將毀室君騎驄馬正巡
方一門梅鶴牽連苦千里蒹蘆感慨長劫火莫燒徐孺子有人禱祝夜焚香

津門歎

九州津要利名場捧檄爭先到北洋入市羶腥同蟻慕參衙文武比蜂忙無
端中宅噉鴻羽儘有驚魂變虎倂太息公私塗炭盡赤丸洞裂到姬姜
扼我咽喉津要失任他魚肉禍機萌養癰旣潰瘡難補聚鐵無多錯已成北
望雲山空有淚南飛烏鵲寂無聲杜陵每飯思君國夔府宵長百感生
回首春明夢一場滄桑人事動悲涼漁陽鼙鼓唐天寶洛下銅駝晉永康羌

羈亂華開劫運機槍當道掃文昌

直省鄉科停試

平生愛讀前朝史似此紛紜得未

嘗

同徐聲之章硯芳登龍砂第一峯

依舊青雲在眼前重來自愧髮華顛山靈識我還迎我闊別剛剛四十年

咸豐

庚申四月十四日江陰失守予時年十六偕同輩登眺

當年烽火正倉皇引領南天極目望今日北風涼又甚浮雲日影雨微茫
勝友三人兩壯年笑僂腰脚健如前懷中更有驚人句取向青天讀一篇
活水新苗插滿田方圓如鏡綠如煙天然景色憑誰畫付與詩人王輞川

慰指

三

華墅竹枝詞

十里橫塘九曲灣龍山才過又龜山蘇州路遠常州近吃着江潮語帶蠻
棉花織布勝綿綢江北人來市上收有女家家勤早起機中忘卻未梳頭

高鄉最怕旱成災水種雖多未肯開

塘河蓄水俗稱水種

耘罷稻田新得雨人人吃酒

上街來

風水人誇北鎮嘉科名烏葉炤龍砂近來更有誇人處兩箇巡方出一家

徐指

挹師暨拙
莽兩侍御

弔聶功廷軍門

師行報捷忽聞雷未到功成志已灰

公以直隸提督勦拳匪獲勝忽奉

嚴旨申飭

勢處危疑惟有

死耗傳遐邇盡生哀人從草際求忠骨我替

朝中惜將才太息玉門遽淪

陷紛紛胡騎進關來

軼深井里溯英風報怨艱難約略同既以孤軍臨絕地況兼一國有三公生

經百戰稱名將死炳千秋是善終廿載聞聲遲識面忠魂何處弔沙蟲

夜靜秋涼伏枕不寐微吟少陵北極朝廷終不改西山寇盜莫相侵句

憂從中來口占兩律

自家解網自張羅想見漁人掣肘多優詔既經頒北闕行人何苦繫西河不
清輦轂遑言戰但奉敦槃敢望和歧又有歧歧至此路旁痛哭復如何

京師竟作虎狼窩窩外鯨鯢又奈何魁柄神姦操隻手孽緣香火召羣魔閨
逢八月黃花落亂合五胡白骨多

嘉慶年八卦教匪進京是秋亦係閏八月
偽造經典有八月中秋黃花落地等語見

滑縣平

匪記 我有心香禱蒼昊休教同室再操戈

聞許竹筠侍郎袁爽秋岡卿正法感而有作

能使疆臣箇箇驚上方有劍忽飛鳴

時沿江督撫方
上書請剿拳匪

豈因管敢生降寇正值

平原主用兵大局當爭何至死天心苟鑒必從輕猝然下手誅劉晏恐有强

藩請罪名

亂絲待理益加勞仗馬無多又喪羣才見和戎宣魏絳忽聞折檻斬朱雲雷
霆天上真難測水火朝中自此分誰具機心施辣手具瞻赫赫易傳聞

醉後憤歌

猾夏兇鋒自古無別開眼界看單于中原從此嗟何及首禍烏能釋勿誅秦
甸河山朝走馬趙家寢殿夜升狐長城戰血長安火知有冤魂夜夜呼
延秋門上聽啼鳥西去旌旂望眼孤九廟神靈皆痛哭一枰棋子竟全輸煙
塵關內重圍合兵火遼陽萬骨枯從此乾坤無淨土茫茫身世付長吁
中興將帥百無存誤認親賢肇禍根混沌鑿開新劫運菁華銷盡舊王孫直
教兵革連中夏那有心肝奉至尊事到陵夷猶畏死看他何處闢生門
銅駝金爵付邱墟月黑驚逢鬼一車踞我神京同外府奉他槃敦當降書瘡
痍補救窮人力因果分明視國初醉後狂吟君莫誚古來天意有乘除

輓徐蘭軒

平生喜論交晉接常恐後而況及門者丹鉛親授受我懷徐孺子其人溫且
厚以吾一日長謙稱弟子某風雨與論文昕夕與聚首擁我以奉比尊我如
山斗我適奉簡書匆匆舍之走祖餞出東門臨歧愴握手從此去天涯離情

積如阜一別二十年歸來已白首相見雜悲歡相思慰雪柳扁舟訪戴來情
話夜逾久驚聞玉樹凋藏嬌覓新耦我戲問枯楊尙能生稊否汝對我曰能
我便笑開口果然種藍田入手得瓊玖共道天有知報施良非偶詎意磨蝎
臨拂意常八九西方現曇雲一霎寂無有猶喜君無恙能綰絕續紐胡天不
降康又復促君壽佳節過元宵噩耗傳來陡結局太無聊感喟徧童叟茫茫
人世事理數難分割癸歲始逢君卅載至辛丑何異夢黃梁醒聽蒲牢吼我
昔在梁園文從萃淵藪聯步登雲梯半綰腰間綬科名雖易得浮薄吾無取
綜計君生平踐履無一苟聲色與貨利洗濯無塵垢忠信與篤敬箴銘能謹
守相知死與生相契師兼友老淚哭彭宣酌君一杯酒

子隨同年招遊隨寓觀梅

故人招我駐吟鞭瓊玉林中小洞天清福自知修不到一觴沾醉仗逋仙
買得羅浮種子來主人辛苦手親栽寸心傾倒無他意愛爾能從冷處開

冰姿濯濯絕纖塵不藉東風已放春知是此君留勁骨越經霜雪越精神
繁香噴出老梅心佇看孫枝茁滿林好似渭川千畝竹十年未滿已成陰
竟爾分香到故人歸來攜得一枝春一朝芳訊流傳徧隨寓梅花開十分

題梁溪同年華海秋司馬南齊世澤圖

南齊家乘擅芳馨明德相承有典型弈葉箕裘傳孝友舊家文獻付丹青
青幅幅開生面慘淡淋漓驚乍見江州司馬

海秋官江右

我同年手抱遺圖當遺

硯憶昔長安去看花風吹萍梗各天涯西江明月梁園雪寂寂音塵感歲華
倦遊張翰先歸里莼鱸嘗後秋風起聞道文園近告歸書來招我梅花裏

書來

招飲予適在隨寓觀梅

勞勞人事廿餘年頭白相逢故國天未暇滄桑談舊事日將家

世述前賢前賢遺蹟分明在上溯齊梁迄昭代華胄遙遙千百年披圖一一
標梗概或傳至行鄭公鄉或著仁風范氏莊或稅桑田零雨駕或儲鄴架古
書囊其餘勝迹無不有綠筠涼雪招紅友風流翰墨古儀型非第承先兼啓

後呵護風雷擁百靈天全墨妙却曾經神光暫隱豐城劍爨火甯燒蔡氏琴
果然完璧返邯鄲兄弟同心有二難晉代鍾王臨副本米家書畫遜奇觀偉
哉孝行君能繼新圖添繪援前例先澤清芬補近支仁心愷惻流循吏前圖三十
二幅係天金子所繪失而復得海秋昆玉另摩副本並添繪十幅傳近支祖澤當年潘岳述家風文采徒矜下筆工
並有陸機詳世德但憑詞賦騁才雄何如累代傳遺墨摩繪丹青當石刻勝
地龍山萃秀靈故家喬木增顏色披圖展拜我馳神通德門中有達人手澤
心源傳弗替幸賡巴曲附千春

題王慰三明經五代史樂府後即仿其體

一卷新詩五十首不第空前兼絕後蓮舫太守拜下風

悔餘葬集前後漢少樂府爲人傳誦

少

泉先生論古新篇對之亦卻走五季之亂破天荒怪怪奇奇無不有君房言
語妙天下一一搜尋究妍醜有時淋漓濡染如出燕許手有時滑稽談笑如
出涓子口五十三年神姦魑魅無地可藏形刻畫無乃傷忠厚豈知論古不

受古人欺作詩不與常人耦眼光注處髑髏翔墨藩飛時蛟龍吼同此區區
筆一枝君具神通我否否願書萬本誦萬徧當作兒孫永遠爲君守

初稿借存不還

云故

贈金漣生同轉兼祝六旬之慶

名滿寰區六十春莊襟老帶想丰神家風鴻博開宗派

君曾祖某舉鴻博

生日漁洋

證後身

君與漁洋同生日

五嶺煙雲雙蠟屐三吳文獻一傳人隨園壇坫高千古留

與先生步後塵

芙蓉城外大江流多少文瀾筆底收風雅竟能涵萬派丹鉛早自定千秋才

人好事編新語詩鬼銜恩上選樓我亦遊梁餘賦稿敢將魚目混珠投

交道文章信有神多君大雅起扶輪東山裙屐傳圖畫北海罇罍酌主賓宇

內瑯環開勝鏡閒中歲月老吟身憐才自是關天性豈第徐陳結識真

神仙吏隱舊知名金粟香中一笑迎直以風騷爲性命固宜縞紵徧公卿江

山勝蹟新詩本琴鶴生涯舊宦情聽唱陽春高格調在山泉水至今清

江左夷吾濟世才一官小試下車來憂時屢上籌邊策愛日常登舞綵臺墓
並厓山崇毅魄碣尋冰井剔蒼苔他年位置輸君定文苑循良一傳賅

君在梧州

修復唐元次山冰井古蹟在赤溪辨
正宋防禦使劉師勇墓詳入廳志

華陽十資挾春回聞道琪花傍日開

蒙贈著書五種兼知先生過甲之慶

古佛自然多壽相焦

桐何幸識凡材懺除湖海英豪氣生就周秦著作才未到龍門求自試先賡
巴曲頌臺萊

弔浙江三忠詩

浮雲倉猝蔽長安殲我三良肇禍端公論何須千載定孤忠留與外人看剖
心商季仁同盡抉目吳門淚不乾愴絕英魂猶戀主燕郊夜夜盼

迴鑾

渠魁論罪不嫌輕勒令回頭看

帝京浩劫紅羊三月火滿城鐵騎五胡

兵千家野哭含冤憤一代忠良負盛名今日重開典屬國更從何處覓蘇卿

當道豺狼據上游埋輪無地合歸休庸知精衛能銜石竟有將軍肯斷頭力
抗神奸爭大局魂歸滄海泣同舟于忠肅是鄉先輩共指西湖作首邱

海上靈輻夾道迎憫忠夷夏有同情豈知罵賊常山魄恨見要盟結贊旌烈
士駢誅關氣數史臣合傳紀哀榮 九重賜卹昭公道豈爲強藩請罪名

篋中檢得敗紙一束啟視則遊梁時留存之要牘也感而賦此

黃梁一枕幻耶真夢去無蹤枕尙存歷歷雪泥曾印我蕭蕭霜鬢已侵人鐵
椎力重心猶怯銅狄親摩迹已陳莫向開元提舊事白頭宮女易傷神
劫灰飛過又迴輪如見前生狎習人舊調厭聽巴里曲名花空負洛陽春朗
陵轍迹浮萍梗盲女琵琶動陌塵祇有憐才數知己青燈夜雨爲招魂

題鵞湖華節愍公贈公天啟四年誥軸冊

主不論明與昏國不論亡與存忠臣不肯事二姓提頭帶髮叩天闕偉哉節
愍公大節何嶙峋贈公不藉封誥重封誥轉因贈公尊天啓童昏何足論尋

常制草可以焚惟此忠孝傳家之故物可以揭日月炳乾坤光祖宗詔子孫傳之至今二百七十有八載當作球圖重器寶貴無比倫

讀梅村集

生性多情句自工置身天寶亂離中杜陵詩句蘭成賦悱惻纏綿一例同更有歌行擅絕調香山而後又名家才多反爲才人累公論終嫌隸事奢拙政園荒草木空出山大節誤親翁渭陽甥舅無牽挂知否江東有顧雍借用

顧寧人先生與其甥徐乾學尙書兄弟事

窮老山居不自由新詩徧結少年遊不通聲氣通投贈我替才人末路愁

一錢不值自興歎爲有妻孥訣絕難聲色豪華能死難古來祇有一文山

公臨

終絕筆有敝屣妻孥非易事一錢不值何須說句

題華氏第八世陳節母清節堂圖手卷

世家多喬木華姓實居首氏族有由開南齊孝子某明德紹家風達人代代

有至今鷺湖濱獨擅人文數我與聯縞結來往卅年久每進通德門所聞惟
孝友齊梁世澤圖寶重如瓊玖賤子賦新詩瓦礫慚居後今觀貞節圖益見
植基厚至性感神明猗歟陳節母門祚正零丁煢煢姑與婦扶杖子職供饗
旦寢門走痛癢爲姑搔巾櫛不離手哽噎爲姑祝甘旨不離口內則井臼操
外則門閭守家世更多艱盤錯皆親受冷露滴茅茨清風款戶牖僉曰婦賢
哉讚歎徧童叟果然後嗣昌清陰橫千畝昔爲紡織圖軋軋寒侵肘今名貞
節堂圖畫世罕偶神采現毫芒丹青炳星斗應與孝子廬永永傳不朽

齊梁
世澤

圖首幅畫
孝子故廬

題華鳳超先生年譜後

刀光如雪殺氣冲法司呵殿臨法宮簇擁爭看吏部公囚首對簿髮蓬蓬是
時漢官滿宮箕踞坐銀璫鐵索牽公過漢官好言勸之降公乃植立不跪指
蒼蒼大呼列祖列宗鑒在旁髮不可薙身可亡滿官發怒氣咆哮奮身躍下

如虎跳靴尖一踢立不牢疾呼武士快下刀熱血倒噴數丈高衆官變色聲
無囂震雷迅電忽相遭天地晦冥陰陽鑿狂風挾雨聲怒號神龍攫雲勢動
搖破空下挾忠魂逃忠魂自顧髮猶備提頭去見烈皇帝國破君亡臣負恩
誓吃一刀報至尊吁嗟乎從公死一姪孫哭公死兩僕人千秋盛事無比倫
忠孝節義萃一門而我淋漓抒寫忽歌忽哭如見公精魂

感某邸事

首禍難將國法容薰天富貴竟成空乾坤患氣親藩肇骨肉恩情帝子窮直
是心肝無叔寶况兼驕客有周公振振麟趾原非瑞盡在吁嗟一歎中

弔李鑑帥

皆裂羌胡不共生勤王有詔即長征師興六月戎車苦咎執盈廷侍御驚一
死難爲天下計千秋留與史官評卓然自命彭剛直安得曾胡共論兵
難得文臣不愛錢一時疆吏最稱賢生探虎穴談何易死化蟲沙節已全不